

職方典第四百七十卷

汝寧府部彙考四

汝寧府封建考

通志

夏

蓼姬姓侯爵初高陽氏封子庭堅於安分其地爲蓼至禹爲天子時以庭堅之裔曰皐陶者有明弼之勳乃封其後於蓼入春秋時爲楚與國文公五年楚子變帥師滅之今光州固始縣是也

周

蔣姬姓周公第三子伯齡所封之國今光州固始縣西北七十里有期思城卽古蔣國也

蔡姬姓侯爵出自文王第五子叔度武王克商封於蔡今上蔡縣西南十里故蔡城是也武王崩成王少與管叔鮮挾武庚以作亂周公誅武庚殺管叔而遷蔡叔叔度旣遷而死其子胡率德改行周公舉以爲魯卿士魯國治於是言於武王復封於蔡是爲蔡仲傳至平侯徙新蔡後

爲楚惠王滅之今新蔡縣是也

江嬴姓子爵顓帝元孫伯益之後也封於江文公四年爲

楚所滅今汝南府息縣西南十里有陽安故城卽江國也

黃嬴姓子爵顓帝曾孫陸終之

後也封於黃僖公十一年爲楚所滅今光州定城廢縣有古黃國乃其地也

息姬姓侯爵

魯莊公十一年蔡哀侯娶於陳息侯亦娶焉息嬀將歸過蔡蔡侯弗賓息侯怒使謂楚曰伐我
吾求救於蔡因而伐之楚敗蔡師於莘以蔡侯歸蔡侯繩息嬀以語楚子楚子遂滅息以息嬀
歸其地今光州息縣是也 沈姬姓子爵吳之戰沈子逞胡子髡同死定公四年拘二諸侯

晉合諸侯之師於召陵而沈子不會晉怒使蔡伐之蔡公孫生遂帥師滅之其地在汝水之南
平輿故城之北 弦子姓子爵封始未詳世爲楚與國齊桓之伯江黃道柏皆附之四國皆

弦姻也故弦子恃之而背楚僖公五年楚令尹子文帥師滅弦弦子奔黃今光山縣卽古弦國
也 道姬姓封爵未詳今汝南府確山縣北有道故城卽其國也 柏子爵柏皇氏之裔

也亮父爲顓帝師招爲帝嚳師景爲周太僕皆柏族也今汝南府西平縣卽其地云

賴子

爵始封無考僖公四年楚子以諸侯之師伐賴賴子面縛銜璧輿櫬從之造乎中軍楚子用櫟

舉之言釋其縛而遷於郢今息縣東北有褒信廢縣卽古賴國之地

西漢

宜春侯成長沙定王子武帝時封坐酎金免今汝陽縣南有宜春城卽其城也 安陽侯樂

濟北貞王子武帝時封傳至得無後按輿地考安陽屬汝南郡 平侯遂濟北式王子武帝

時封坐罪免按索隱平縣屬汝南郡 博陽侯就齊孝王子武帝時封薨子終古嗣坐酎金

免按索隱博陽縣屬汝南郡 終弋侯廣置衡山賜王子武帝時封坐酎金免按索隱終弋

在汝南郡 成陽侯衆楚思王子平帝時封按索隱成陽縣屬汝南郡 博陽莊侯陳渾

以舍人從起碭入漢授都尉擊項籍於滎陽戰死之追封傳至塞坐罪免 新陽侯呂清

以左令尹從戰有功封邑千戶傳至談坐酎金免按索隱新陽一作陽信縣屬汝南郡 故

市侯閭澤赤以執盾從入漢擊項籍封邑千戶傳至穀坐酎金免按輿地考故市縣屬汝南郡

吳房莊侯楊武以中郎騎從起沛擊陽夏斬項籍封邑七百戶傳去疾坐罪免吳房卽今遂平

縣也 義陵侯吳郢以長沙柱國封邑一千五百戶傳種無後按索隱義陵在汝南 慎

陽侯欒說以淮陰侯韓信舍人告信反封邑二千戶傳至賈之坐私鑄白金誅今汝陽縣南八
十里有慎陽廢縣卽其地也 博陽節侯周聚以卒從起豐入漢擊項籍於成皐有功封傳

至逃坐罪免

期思康侯賁赫爲淮南王英布中大夫以告布反封邑二千戶無後按期思

故城在固始縣西北七十里卽古蔣國也

成陽定侯奚意以魏郎從起陽武入漢擊項籍

定代功封邑六百戶傳信坐罪誅

長平烈侯衛青以大將軍擊北邊取朔方破右賢王功

封按輿地考長平屬汝南郡

義陽侯衛山以北地都尉從驃騎將軍擊北邊得王封邑一

千二百戶坐罪免義陽卽今信陽州也

弋陽節侯任宮以上林尉捕殺反者上官桀封邑

九百一十五戶傳至固無後弋陽在今光州定城廢縣

義陽侯傅介子以平樂廐監使龜

茲誘殺樓蘭王封邑七百五十九戶子有罪不得嗣

義陽侯厲溫敦以北邊呼連累王子

率衆降封邑一千四百戶坐子謀反削爵爲關內侯

平通侯楊惲以左曹中郎受董忠等

言霍禹反封邑二千五百戶後坐妖言大逆誅國除按索隱平通在博陽

東漢

宜春侯匡中山王茂之弟起兵附漢建武二年封傳世瓌坐罪降爲亭侯

陳敬王羨明帝

子初封廣平王改封西平分汝南八縣爲國及肅宗崩遺詔徙封爲陳王食淮陽郡其年就國立三十七年薨傳至寵爲袁術所殺

梁節王暢明帝子初封汝南王建初二年徙封爲梁

王 新息忠成侯馬援王莽末避地涼州依隗囂說囂歸光武囂使援奉書洛陽遣子入質

及囂發兵拒漢援諫不從帝西征囂平之拜援爲隴西太守以討平羌及交趾功遷伏波將軍封新息侯後征武溪蠻病卒爲梁松所譖收其印綬肅宗時追諡忠成

新息侯朱浮以從

光武定北邊策封舞陽侯食三縣後徙封父城二十年爲大司空定封新息永平中坐單詞所告賜死

新鄴侯郭竟光武郭后之從兄以從征伐功封傳至勤無後按輿地考新鄴屬汝

南郡

吳房侯陰綱和帝陰后之父永平初封及后坐廢綱自殺

西平侯鄧弘鄧禹之

孫和熹皇后之弟元初時與葉侯鄧悝西華侯鄧闓同封邑各萬戶后崩俱坐中黃門所譖殺之

宜春侯閻暢安思王后之父元初三年封邑五千戶子顯更封長社侯邑一萬三千五

百戶坐罪誅

汝陽侯唐衡以預誅梁冀功封邑一萬三千戶

魏

義陽王據文帝之弟初封宛侯黃初二年進爵爲公三年徙王義陽邑四千六百戶

晉

義陽成王望安平王孚之子宣帝之姪初辟司徒掾歷洛陽典農中郎將從宣帝討王浚有功累封順陽侯武帝卽位進封義陽王邑萬戶子奕早亡以孫奇嗣後徙封棘陽王 新蔡武

哀王騰高密王泰之子宣帝之姪初封東瀛公永嘉初進封新蔡王遷車騎將軍鎮鄴羣盜李豐等攻鄴騰不能守爲豐所害傳至惠宋受禪國除 汝南文成王亮宣帝第四子武帝卽

位初封扶風王邑萬戶三年徙封汝南帝疾爲楊駿所陷改爲大司馬出領許昌及駿誅惠帝遷亮太宰錄尚書事後爲賈后及楚王所殺傳至遵扶宋受禪國除 汝陽王熙宗之弟以

討劉喬功封永嘉末沒於石勒 弋陽忠穆侯嵇紹中散大夫康之子也以父得罪屏居私

門山濤薦之武帝徵爲祕書丞元康初爲黃門侍郎侍中賈謐求交於紹紹拒之及謐誅以不阿比凶族封弋陽子蕩陰之戰死之贈爵爲侯子眵早卒以從孫翰嗣傳至曠 成陽公卞

粹以中書令封爲長沙王義所殺子壹嗣蘇峻反壹力戰與之殄同死之賜諡忠貞祧子誕嗣
梁

汝南王大封簡文帝子死於侯景之亂 新蔡王叔齊宣帝子大建七年封 義陽王叔

達宣帝子大建十四年封

北魏

汝南文宣王悅孝文子遭尔朱之亂奔梁梁封爲魏王北還遇害 新息王王洛兒明帝卽

位以佐命功封子長城嗣 上蔡伯裴芬之以父勳封

北齊

汝南王彥理孝昭帝子武帝初封 義陽王鮮于世榮以軍功封及周師取齊不屈見殺

隋

蔡王整文帝次子從周武帝平齊戰死開皇初封子智積嗣 汝陽公獨孤楷以戰功積封

義陽公皇甫績以佐命功封子偁嗣

唐

汝南王承明建成子後死於難 義陽王承度元吉子後死於難 蔡王祐昭宗子天祐

二年封

明

汝南王周定王子以罪廢 汝陽恭僖王定王子薨子安憲王嗣薨子安和王嗣薨子康肅

王嗣薨子宣恩王嗣 羅山悼恭王定王子薨無子 固始王定王子 汝南悼和王

簡王子薨無子 義陽康靖王簡王子薨子榮安王嗣薨子恭端王嗣 汝陰懷懿王簡

王子薨無子 汝寧王恭王子 光山王莊王子薨無子 崇簡王英宗第四子天順

元年封成化八年之國汝寧府正德七年薨子靖王嗣薨子恭王嗣薨子莊王嗣薨子昭王嗣

薨子由積嗣後城破無考

汝寧府公署考

府志

本府

汝寧府治在城北卽元府治舊址至正間燬於兵燹明洪武四年通判董煥重建天順六年知府李鏞重修弘治十一年知府張子麟悉拓大之中爲忠愛堂後爲帥正堂又後爲知府宅其東爲清軍廳其西爲捕盜廳管糧廳理刑廳堂之左爲經歷司堂之右爲照磨所兩廊爲六曹房科各有廡堂之前爲月臺爲戒石亭亭東爲經歷照磨宅亭西爲大惠庫又前爲儀門門之外東爲軍器庫西爲刑廳外署盛甲庫司獄司又前爲公門門左右爲牙城城之上東有文昌閣西有元帝殿東偏爲寅賓館爲土地祠又前爲大門門之外東列旌善亭西列申明亭俱洪武八年建

陰陽學鼓樓街東

醫學鼓樓街西今廢

僧綱司開元寺內

道紀

司城隍廟內

察院府學東今廢

北察院府治東萬曆九年汝陽知縣任讓創建今廢

外察院北門外嘉靖二十四年建今廢

布政分司府學西今廢

按察分司布政分司

西今廢

廟府館社學舊址弘治十八年汝陽知縣雷宗建今廢

軍儲倉府治東弘治

六年知府劉瑛重修增置公廳倉官住宅及連廩一百二十間各州縣糧自起運外其額派存留俱儲倉內凡崇府及本府官吏並守禦千戶所官軍俸糧皆於此支給

預備倉府治西

弘治十一年知府張子麟勸建中有博濟亭及連廩一百二十間當時儲穀至二十萬石以備兵荒明季寇耗滅今廢 鼓角樓府治東軍儲倉內舊在府牙城上元末兵燬成化間知府

錢鉞改建上置鐘一鼓一角六銅壺三日久廢頽幾盡萬曆三十六年知府黃似華捐俸重修傑構巍峨高出闔閭之表爲一郡大觀今廢

汝陽縣

縣治在府治西南明洪武四年知縣楊補之建弘治十七年知縣雷宗拓而大之中爲牧愛堂爲後堂爲知縣宅堂左爲恆足庫堂右爲贊政廳東西列六曹廊房堂之前爲月臺爲戒石亭爲儀門門以內東則土地祠西則主簿宅典史宅縣獄門以外東西列申明旌善二亭稍東爲大賓館又前爲大門署曰天中首邑明季燬於兵

皇清順治三年知縣楊義移建西門大街

常平倉縣治大門內萬曆二十五年知縣岳和聲勸

建儲穀於內每春放給貧民秋收還倉量取其息之二民甚賴之今廢

預備倉縣治西北

今廢

養濟院北門內洪武八年令天下郡縣訪窮民無靠者收養其間每名口月給米三

斗柴薪銀五分歲給綿一斤冬夏布各一疋死給棺木銀三錢

惠民局附醫學內

漏

澤園北門外

共濟莊城西南三里明萬曆二十九年勅建係分巡汝南道黃煒發贖錢五

十金知縣王萬祚又捐三十餘金買田一頃六十七畝以贍孤貧佐養濟之所不及者他縣視

此今廢

楊準鎮巡檢司成化十二年置今廢

汝寧守禦所汝陽學西今廢

上蔡縣

縣治在城內東北隅明武洪四年知縣楊允中建嘉靖三年知縣傅鳳翔重修明季燬於兵今

改察院爲縣治

申明旌善二亭縣治前今廢

陰陽學

醫學

僧會司俱縣治

西 察院縣治南洪武十八年知縣李彥輝建萬曆十八年知縣劉兆文重修今改爲縣治

布政分司縣治西宣德十年知縣賀威建嘉靖三年知縣傅鳳翔重修今廢 公館有二一

在縣治西宣德十年知縣賀威建一在驛內萬曆三十六年知縣歐陽燦建二館今俱廢

縣倉縣治西

預備倉縣治西北

養濟院縣治北

惠民局縣治西

漏澤園縣

城南一里

共濟莊在城西朱里橋萬曆二十九年分巡汝南道黃煒創建知縣張延登捐

助以贍孤貧今廢

新蔡縣

縣治在城內東北隅明洪武四年知縣陳祥建正德十一年知縣張來儀重修明季燬於兵

皇清順治三年知縣李嘉賓重修十年知縣譚弘憲重修

陰陽學

醫學俱縣治西

僧

會司法隆寺內

察院在城東南隅明萬曆十九年知縣龔幼金建

皇清順治十四年知縣譚弘憲卽其址創建書院

布政分司在東門外今廢

公館在東門

外今改爲關帝廟

瓦店巡檢司萬曆二十六年知縣王一魁申請添設今移於化莊集

際留倉

預備倉俱在縣治內

養濟院在東門外

惠民局附醫學內

漏澤園

在西門外

西平縣

縣治在城內西北隅明洪武三年典史萬安建正統間知縣陳璉修正德七年燬於兵知縣劉

澄王用王來鳳相繼修葺明季復燬於兵

陰陽學

醫學俱在城西南今廢

僧會

司在福興寺內

察院在縣治南正統二年知縣陳文政建今廢

布政分司在縣治東

洪武十五年知縣楊楚珩建今廢

按察分司在縣治西南正統十三年知縣陳璉建今廢

預備倉在縣治前今廢

養濟院

惠民局俱在縣治前

漏澤園在北門外萬曆二

十二年知縣李孟春於四關廂各置一處二十七年知縣張應化復建二十一處

共濟莊

地三頃房舍二十七楹明萬曆二十九年分巡汝南道黃煒創建知縣張應化捐贖孤貧今廢

遂平縣

縣治在城內南北隅明洪武三年縣丞蔡士實建成化十一年知縣王嵎嘉二年知縣賈璘相

繼修葺

皇清順治十五年知縣張鼎新重修

陰陽學在分司前

醫學在縣治西

僧會司在興

國寺內

察院在縣治東南洪武十八年知縣黃義建

布政分司在察院西宣德五年

知縣李獻建

府館在縣治南宣德五年知縣李獻建

恆備倉在縣治北

養濟院

在縣治北

漏澤園在城北一里

確山縣

縣治在城內務本坊東卽西漢縣治故址元至正中知縣孫恆重建元季燬於兵明洪武三年主簿楊景重建正德七年復燬於兵知縣宋良臣建 陰陽學 醫學俱在縣治東

僧會司在觀音寺內 布政分司在縣治東成化九年知縣王廉建 按察分司在縣治

東洪武十九年知縣李真建 公館在縣治南知縣王廉建 竹溝巡檢司在縣西六十

里成化三年置 明港巡檢司在縣南九十里成化三年置 預備倉在縣治前今廢

養濟院在西門外 惠民局在縣治東 漏澤園在北門外 共濟莊在城北五里萬

曆二十九年分巡汝南道黃煒創立知縣張鳳翔捐助以贍孤貧今廢

真陽縣

縣治在城內西北隅明正德二年知縣齊淵建七年燬於兵知縣張璽重建明季復毀於兵

皇清順治六年知縣遲煒移建新治於適蔡門內 陰陽學 醫學俱在縣治西今廢 察

院在縣治東萬曆三十五年知縣麻永吉重修 布政分司 按察分司俱在察院傍今

廢

際留倉在縣儀門西

預備倉在縣儀門東

養濟院在縣治西

惠民局在

縣治東

漏澤園有四俱在城外

光州

州治在北城東北隅宋知州梁季泌勸建元末燬於兵明洪武五年知州余勝重建弘治十四年知州張輝重修正德七年燬於兵知州李鎧重修崇禎十四年復爲寇所燬知州徐映春重修

皇清順治五年知州徐化成重葺州堂堂後置鳴薰樓頭門復勸鐘鼓樓五間

陰陽學

醫

學今俱廢

僧會司在普會寺內

察院在興賢坊西明季燬於寇順治五年知州徐化

成捐貲重建

布政分司在州治西弘治間知州張輝重修

按察分司舊在州治東正

德八年知州李鎧徙置興賢坊西

公館舊在鼓樓東正德八年知州李鎧徙置興賢坊西

際留倉在州治內

預備倉在北城西門內

養濟院在州治西

漏澤園在北門外

光山縣

縣治在城北明洪武三十年知縣黃德昭創建景泰四年知縣郭寧重修

皇清順治十五年知縣管聲駿重修

陰陽學在縣治東萬曆間知縣牛應元建

僧會司在

寶相寺內

道會司在城隍廟內

察院在縣治東北

布政分司在縣治東

府

館在縣治東南

牛山鎮巡檢司在縣東一百里洪武七年置

預備倉在北門內

義倉萬曆十三年歲歉知縣牛應元創建三十餘處儲穀三千餘石每春放借貧民秋收還倉量取其息之三迄今便之

養濟院在北門外

惠民局今廢

漏澤園在城北一里

固始縣

縣治在城內西北隅明正德六年燬知縣盧瓊張梯相繼修建

陰陽學

醫學舊俱在

宣化坊知縣張梯移置縣前

僧會司在觀音寺內

道會司在元妙觀內

察院在

忠節祠東知縣張梯建

布政分司在察院東知縣馬良建

按察分司在察院西知縣

馬良建

朱臯鎮巡檢司在縣東北六十里

際留倉在縣治東南今廢

預備倉今

廢

養濟院在縣治東

惠民局今廢

漏澤園